

ԱՅՑ

ՎՐԱՍՏԱՆԻ ՎԱՐՉԱՊԵՏՈՒ ՓԵՐՄԱՆԻԱՅՈՒՄ

Վրաստանի վարչապետ Բիծինա Իվանիշվիլին աշխատանքային այցով գտնվեց Գերմանիայում:



Ինչպես հաղորդել են Վրաստանի կառավարության ղեկավարի մանլո ծառայությունից, այցի շրջանակներում, վարչապետը մասնակցեց Մարշալի հիմնադրամի կազմակերպած խորհրդա-ժողովին: Դրան մասնակցեցին նաև տարբեր երկրների գործող եւ նախկին նախագահներ, նախարարներ ու քաղաքագետներ:

(Շարունակությունը՝ 2-րդ էջում)

ՏԱՐԱԾԱՇՐՋԱՆ

ՄԻՒՆԵԻԼ ՍԱԱԿԱՇՎԻԼԻՆ ԱԽԱԼՔԱԼԱՔԻՈՒՄ

Վրաստանի նախագահ Միխեիլ Սաակաշվիլին ապրիլի 17-18-ին գտնվում էր Ախալքալաքիում:



Շրջանում գտնվելու ընթացքում, երկրի ղեկավարը Ախալքալաքիում այցելեց թվ 3 վրացական հանրային դպրոցը եւ ներկա գտնվեց պատմության դասին: Այցի ժամանակ, նա դպրոցի տնօրեն Լեւա ճինճարաուլուն պարգևատրեց Պայծառափայլության նախագահական շքանշանով:

Դպրոցում նախագահը գրուցեց աշակերտների հետ եւ ուշադրություն բեւեռեց երկրի նորագույն պատմության վրա: Մանկավարժների հետ զրույցում նա նույնպես կարեւորեց Վրաստանի պատմության ուսուցումը:

Վրաստանի նախագահը նաև այցելեց Գումբուրդոյի Սուրբ Ջուսիմի անվան ուսումնական պանսիոնատ, որը

(Շարունակությունը՝ 2-րդ էջում)

ԴԻՐՔՈՐՈՇՈՒՄ

Բ.ԻՎԱՆԻՇՎԻԼԻ. «ԿԱՌԱՎԱՐՈՒԹՅՈՒՆԸ ԻՆՔՆԱԿԱՌԱՎԱՐՄԱՆ ԳՈՐԾԵՐԻՆ ԶԻ ՄԻՋԱՄՏՈՒՄ»

Վրաստանի վարչապետը տեղական ինքնավարության մարմիններում իրադարձությունների կապակցությամբ հանդես է եկել հայտարարությամբ:

Հայտարարության մեջ ասվում է, որ 2012 թվականի հոկտեմբերի 1-ի խորհրդարանական ընտրություններից հետո, տեղի ունեցավ որոշակի գործընթացների ակտիվացում տեղական ինքնավարության մարմիններում:

«Տարիներ շարունակ հասարակայնությունը եղավ այն բանի վկան, թե ինչպես է մեկ

քաղաքական ուժը գերիշխում իշխանության բոլոր մակարդակներում, եւ այսօր հասարակայնությունը դժվարանում է ընկալել իրականությունը, երբ տարբեր մակարդակներում որոշումներ ընդունում են տարբեր ուժեր:

Վրաստանի կառավարությունը հավատարիմ է իշխա-

նության սահմանադրական բաշխմանը, այդ թվում՝ ինքնավարության մարմինների անկախության առումով:

Տեղական մակարդակով գործընթացները նոր կառավարությունը երբեք չի ղեկավարել, եւ նա այժմ էլ փորձում է չմիջամտել ինքնավարությունների գործերին եւ չսահմանափակել նրանց անկախությունը որեւէ ձևով: Սույնի ապացույցն այն է, որ կառավարությունն ակտիվորեն աշխատում է այն տեսա-

կետի ուղղությամբ, որի նպատակն է, որպեսզի ինքնավարությունը լինի իրական եւ արդյունավետ, ու հասարակայնությունը իրատեսորեն մասնակցի որոշումների ընդունման գործընթացին»,- ասվում է հայտարարության մեջ:

Վարչապետը նշում է, որ Վրաստանի կառավարությունը եւ իրավապահ մարմինները օրենքի շրջանակներում կարծազանքեն ահաբեկման, ճնշման, բռնության յուրաքանչյուր փաստին:

ՆՇՎԵՑ ՎՐԱՑ ԼԵԶՎԻ ՏՈՆԸ

«ՄԵՆՔ ԶԱՆՔԵՐ ԶԵՆՔ ԽՆԱՅԻ ՎՐԱՑ ԼԵԶՎԻ ԿԱՐԳԱՎԻՃԱԿՆ ԱՄՐԱՊՆԴԵԼՈՒ ՀԱՄԱՐ»

Ապրիլի 14-ին Թբիլիսիում կայացավ մայրենի լեզվին նվիրված տոնակատարություն: Մի քանի հարյուր քաղաքացիներ իրենց երեխաներով եկել էին «Դեղա էնա» քաղաքային զբոսայգի: Այստեղ նրանց ուրախություն պատճառեցին երիտասարդ ստեղծագործական համույթների տոնական ելույթները:

Մշակույթի եւ հուշարժանների պահպանության նախարարությունը Իսկոբ Գոգեբաշվիլու «Դեղա էնա»-ին շնորհել է ոչ նյութական մշակութային ժառանգության հուշարժանի կարգավիճակ:

Մայրենի լեզվի օրվա կապակցությամբ Վրաստանի վարչապետ Բիծինա Իվանիշվիլին տարածել է հայտարարություն, որում նշվում է, որ վրաց

լեզուն ունեցել է շատ թշնամիներ, բայց ոչ ոք չկարողացավ այն պարտության մատնել:

Վարչապետը հիշեցրեց, որ 35 տա-

րի առաջ վրաց երիտասարդությունը հանդես եկավ խորհրդային իշխանու-

(Շարունակությունը՝ 3-րդ էջում)

ՈԼՈՐՏ

ԱԳՐՈՎԱՐԿԵՐԻ ԾՐԱԳԻՐԸ ԳՈՐԾՈՂՈՒԹՅԱՆ ՄԵՋ Է

Ագրովարկերի ծրագրի շրջանակներում արդեն տրվել են ավելի քան 3 միլիոն լարի գումարով վարկեր:

Մինչեւ 5 հազար լարի վարկերի կատեգորիայում 167 ֆերմեր ստացել է 94 հազար լարի գումարով վարկ, 5 հա-

զարից մինչեւ 100 հազար լարիի կատեգորիայում 55 ֆերմեր՝ 1 միլիոն 155 հազար լարի:

Ինչ վերաբերում է մինչեւ յոթ տարի ժամկետով վարկերին, որ նախատեսված է ձեռնարկությունների կառուցման համար, ապա այստեղ երեք ձեռնարկատերերի տրվել է 1 միլիոն 294 հազար լարի:

Գյուղատնտեսության զարգացման հիմնադրամից հայտարարել են, որ բանկերը օրվա ընթացքում ստանում են գրեթե հազար դիմում, եւ ներկա փուլում հիմնախնդիրներ չեն ծագել:

ԱՊՐԻԼԻ 24-Ը ՀԱՅՈՑ ՄԵԾ ԵՂԵՈՒՄ ԶՈՐԵՐԻ ՀԻՇԱՏԱԿԻ ՕՐՆ Է

Այդ օրը ողջ աշխարհի հայությունը նշում է Հայոց ցեղասպանության 98-րդ տարելիցը: Նախապես մշակված ծրագրի համաձայն, Օսմանյան կայսրությունը իր տարածքից տեղահան արեց ավելի քան մեկուկես միլիոն հայերի՝ իր արտ ու դաշտից, իր սեփական հողից արձատյախիլ անելով, իսկ աշխարհին կենդանի վկան դարձելով 20-րդ դարի ամենասարսափազդու ոճրագործության:



ՎԻՐԱՆԱՅ ՀԱՄԱՐԱԿԱՆ ԿԱՄԱԿԵՐՊՈՒԹՅՈՒՆՆԵՐԸ ՃԵՂԱՄՊԱՆՈՒԹՅԱՆ ՃԱՆՉՄԱՆ ՊԱՆԱՅՈՎ ԴԻՄԵԼ ԵՆ ՎՐԱՍՏԱՆԻ ԽՈՐՀՐԴԱՐԱՆԻՆ

Ինչպես միշտ, վերջին 20 տարիների ընթացքում, Մեծ եղեռնի նախօրեին, Վրաստանում գործող հայկական հասարակական կազմակերպությունները այս օրերին եւս դիմեցին Վրաստանի խորհրդարանին առաջարկելով ճանաչել Հայոց ցեղասպանությունը: Երկրի խորհրդարանին ուղղված նամակ-դիմումը, որտեղ առաջարկվում է, որ Վրաստանի խորհրդարանը ճանաչի Օսմանյան կայսրությունում տեղի ունեցած Հայոց ցեղասպանությունը, ստորագրել են Վրաստանի Հայ Առաքելական եկեղեցու «Հայարտուն» կրթա-մշակութային եւ երիտասարդական կենտրոնը, Վրաս-

տանի «Վերնատուն» հայ գրողների միությունը, Վրաստանի հայ մտավորականների միությունը, «Թբիլիսյան հայերի վեիաժողով» հասարակական կազմակերպությունը (ՀԿ), «Վրաստանի հայ համայնք»-ը, «Վրաստանի հայ համայնք» հասարակական կազմակերպության (ՀԿ) ուսանողական միությունը, «Վրաստանի Հայ ազգային կոնգրես»-ը, «Վրաստանի հայ համայնք» հասարակական կազմակերպության երիտասարդական միությունը, Վրաստանի հայ նկարիչների միությունը, Վրաստանի հայ երաժիշտների միությունը եւ այլ հասարակական կազմակերպություններ:

ՍԳՈ ՄԵՆԱՀԱՄԵՐԳ ՆՎԻՐՎԱԾ ՄԵԾ ԵՂԵՈՒՄ ԶՈՐԵՐԻ ՀԻՇԱՏԱԿԻՆ



Երեկ ապրիլի 19-ին, Հայոց Ցեղասպանության 98-րդ տարեդարձի շրջանակներում, Թբիլիսիի «Շերաթոն-Մետեխի պալատ» հյուրանոցում կայացավ «Արս Լուսգա» դուետի՝ հայտնի թավջութակահար Արամ Թալալյանի եւ դաշնակահարուհի Ջուլիետա Վարդանյանի մենահամերգը:

Միջոցառումը բացեց եւ ելույթ ունեցավ Վրաստանում Հայաստանի արտակարգ եւ

լիազոր դեսպան Հովհաննես Մանուկյանը: Դեսպանը խոսեց Ցեղասպանության միջազգային ճանաչման ներկայիս գործընթացի եւ պատմական իրողությունը ըստ արժանվույն գնահատելու անհրաժեշտության մասին:

«Արս Լուսգա» դուետի կատարմամբ հնչեցին Կոմիտասի, Արամ Խաչատրյանի, Ռոբերտ Շոմանյանի, Ալեքսանդր Սպենդիարյանի, Սուլիսան Ցինցաձեի եւ մյուսների ստեղծագործությունները:



Ա38

# ՎՐԱՍՏԱՆԻ ՎԱՐՉԱՊԵՏԸ ԳԵՐՄԱՆԻԱՅՈՒՄ

(Սկիզբը՝ 1-ին էջում)

հարցը, երկրի զարգացման ուղիները: Ես գոհ եմ այդ հանդիպումներից, քանի որ դրանց ընթացքում հաջողվեց հասկանալ եվրոպայի վերաբերմունքը Վրաստանի նկատմամբ եւ այն, թե ինչ ենք ակնկալում մրանից»,- ընդգծել է նա:

Իվանիշվիլու այցն ավարտվեց Շվեդիայի արտգործնախարար Կարլ Բիլդտի հետ հանդիպումով: Կողմերը գրուցեցին երկու երկրների միջեւ բարեկամական հարաբերություններ կազմավորելու մասին:

Հանդիպումից հետո, Բիլդտը նշեց, որ Շվեդիան Վրաստանի վաղեմի գործընկերն է, նրա

բարեկամը, եւ ապագայում այդ համագործակցությունը կշարունակվի: «Մենք պատրաստ ենք համագործակցել Վրաստանի իշխանությունների հետ՝ երկրի դեմոկրատացման ճանապարհին»,- ասել է նա:

Վրաստանի վարչապետ Բիծինա Իվանիշվիլին հանդիպում ունեցավ Վրաստանում ՄԱԿ-ի

գլխավոր քարտուղարի նախկին հատուկ ներկայացուցիչ, «Ռոբերտ Բոշի հիմնադրամի» խորհրդական Դիտեր Բոդենի հետ:

Ինչպես հաղորդել են կառավարական գրասենյակից, Բիծինա Իվանիշվիլին հյուրի հետ քննարկել է Վրաստանում ընթացող իրադարձությունները:

## ՏԱՐԱԾԱՇՐՋԱՆ

# ՄԻԽԵԻԼ ՍԱԱԿԱՇՎԻԼԻՆ ԱԽԱԼՔԱԼԱՔԻՈՒՄ

(Սկիզբը՝ 1-ին էջում)

ստեղծվել է Սրբազան Նիկողոզի ջանքերով: Միխեիլ Սաակաշվիլին դիտեց ուսումնական հաստատությունը, ծանոթացավ տեղում պատրաստած առարկաներին եւ դիտեց այստեղ նկարահանված ֆիլմեր: Վրաստանի նախագահ Միխեիլ Սաակաշվիլին Ախալքալաքի-Գումբուրդոթ թեմի ղեկավար, սրբազան Նիկողոզին շնորհել է Պայծառափայլության շքանշան: Իր կողմից, թեմի ղեկավար Նիկողոզը նշեց, որ Ախալքալաքիում երբեք չի եղել դիմակայություն էթնիկական հոդի վրա եւ երբեք չի լինի ապագայում: Միխեիլ Սաակաշվիլին այցելեց նաեւ Ախալքալաքիի հայկական եկեղեցին եւ ներկա եղավ ժամերգությանը:

Տարածաշրջանի բնակիչների հետ խոսակցության ընթացքում, Վրաստանի նախագահն անդրադարձավ տարածաշրջանի զարգացմանը՝ շեշտելով երկաթուղու կառուցումը:

Միխեիլ Սաակաշվիլին խոսեց նաեւ վրաց եւ հայ ժողովուրդների պատմական բարեկամության մասին ընդգծելով, որ այդ

հարաբերությունները պետք է ավելի խորանան:

Վրաստանի նախագահը Ախալքալաքիում հյուրընկալվեց Միմասյանների ընտա-



նիքում: Այստեղ ապրում է ուսանողուհի Աննա Շվելիծեն, որը տարածաշրջան է ժամանել «Վրաց լեզուն ապագա հաջողության գրավական» նախագահական ծրագրի շրջանակներում: Նա Ջավախեթիում գտնվում է արդեն ութ ամիս եւ տեղի բնակիչ-

## «ՀԱՅՈՑ ԳՈՂԳՈԹԱ»

### ՃՈՒՑԱՆԱԴԵՄ՝ ՆՎԻՐՎԱԾ ՖԵՂԱՍԴԱՆՈՒԹՅԱՆ ՁՈՋԵՐԻՆ

**Ապրիլի 15-ին Վիրահայոց թեմի «Հայարտուն» կենտրոնի Գալուստ Գյուլբենկյան սրահում բացվել է Հայոց մեծ եղեռնի 98-րդ տարելիցին նվիրված «Հայոց Գողգոթա» խորագրով ցուցահանդեսը:**

Այն կազմակերպել էին Վրաստանի Հայ նկարիչների միությունը եւ Ջավախքի երիտասարդ նկարիչների ընկերակցությունը՝ «Հայարտուն» կենտրոնի հոգաբարձուների խորհրդի, Վրաստանում Հայաստանի դեսպանության, Հայաստանի Սփյուռքի նախարարության եւ Գալուստ Գյուլբենկյան հիմնադրամի աջակցությամբ:

Բացելով ցուցահանդեսը՝ Վրաստանի հայ նկարիչների միության նա-

խագահ Մերուժան Շահումյանը տեղեկացրել է, որ ցուցահանդեսին մասնակցած շուրջ 35 ստեղծագործողների 60 կտավները գույների միջոցով արտահայտված նրանց ցատումն է, արդարության ու հատուցման պահանջը անմեղ նախնիների տառապանքների եւ դաժան նահատակության համար:


Ցուցահանդեսի բացմանը ելույթ ունեցան գրող Թարգմանիչ Գիվի Շահնազարը, Վրաստանի նա-

խագահի խորհրդական, «Վրաստան» թերթի խմբագիր Վան Բայբուրդյանը, ռեժիսոր Միքայել Գրիգորյանը, պատմաբան Ենոք Թադեոսյանը:

Վրաստանի «Հերակլ երկրորդ» ոչ կառավարական կազմակերպության ղեկավար Արչիլ Ճկրիժեն, ողջունելով ցուցահանդեսի կազմակերպումը, իր խոնարհումն է բերել Հայոց ցեղասպանության զոհերի հիշատակի առջեւ՝ կոչ անելով երկրի իշխանություններին հարգել հարեան քրիստոնյա ժողովրդի ցավը, ճանաչել 1915 թվականի Հայոց եղեռնը եւ Հուլարձան կանգնեցնել զոհերի հիշատակին:

Օրհնության եւ գնահատանքի իր խոսքում Վիրահայոց թեմի առաջնորդ Տեր Վազգեն եպիսկոպոս Սիրադախանյանն իր օրհնությունն է բերել բոլոր մասնակիցներին, այս միջոցառումը, ինչպես նաեւ նմանատիպ այլ միջոցառումները համարել որպես հուշակոթող անմեղ հայ նահատակներին:

Նշենք, որ ապրիլի 17-ին Հայոց ցեղասպանությունը ընդունելու պահանջով Վրաստանի խորհրդարանին դիմել է նաեւ Թբիլիսիի «Ամբասադոր» հյուրանոցում անցկացված



ված «Հայոս-Քաթոլիկ» միջեւ մեր օրերը» խորագիրը կրող խորհրդածրվել, որին մասնակցում էին «Հերակլ երկրորդ» կազմակերպությունը եւ Թբիլիսիի Հայ ասամբլեայի անդամները:

## ԱՊՐԻԼԻ 24-Ը ՀԱՅՈՑ ՄԵԾ ԵՂԵՈՆԻ ՁՈՋԵՐԻ ՀԻՇԱՏԱԿԻ ՕՐՆ Է

# ՄԻՋՈՑԱՌՈՒՄՆԵՐ՝ ՆՎԻՐՎԱԾ ՀԱՅՈՑ ՖԵՂԱՍԴԱՆՈՒԹՅԱՆ 98-ՐԴ ՏԱՐԵԼԻՅԻՆ

**Ապրիլի 22-ին, ժամը 16-ին Վրաստանի խորհրդարանի Ազգային գրադարանում «Հայերի ասամբլեան» կկազմակերպի Գիտաբանասիրական կոնֆերանս:**

Ապրիլի 24-ի առավոտյան ժամը 10-ին Թբիլիսիի Խոջիվանքի պանթեոնում կգե-տեղվեն ծաղիկներ եւ ծաղ-

կեպսակներ Ցեղասպանության զոհերի հիշատակին նվիրված խաչքարին: Այնու-հետեւ, ժամը 11.00-13.00-ին

Սուրբ Էջմիածին եկեղեցում կմատուցվի սգո Սուրբ պատարգ: Ժամը 14-ին Թուրքիայի դեսպանատան մոտ Թբիլիսիում գործող Հայ հասարակական կազմակերպությունները կանցկացնեն խաղաղ հանրահավաք Թուրքի-

այի դեսպանատան մոտ: Ապրիլի 28-ին, ժամը 18-ին «Հայարտուն» կենտրոնում կանցկացվի «Հայոց Մեծ եղեռնի զոհ հայ մտավորականներ» խորագիրը կրող Գրական-Երաժշտական երեկո:

## ԱՆՁՆԱԳԻՐ

# ՆԵՐԿԱՅԱՑՎՈՐ ՏԵՂԵԿՈՒԹՅՈՒՆՆԵՐԸ ԿԿՐՃԱՏՎԵՆ


**Վրաստանի արդարադատության նախարար Ծուլուկիանին հայտարարել է, որ ID քարտում կկրճատվեն տեղեկություններն անձի մասին: Ինչպես նշել է նախարարը, տեղեկությունները կսահմանափակվեն անձի անվան եւ ազգանվան, ծննդյան տարեթվի եւ ծննդավայրի մասին տվյալներով, անձնական համարով ու հասցեով:**

«Ես անձամբ մասնակցեցի ինքնության նոր հավաստագրի ներգերծատեսչական ուսումնասիրմանը եւ սահմանեցի հավաստագրի ամբողջ տեղեկատվությունը, այն է՝ անունը, ազգանունը, ծննդյան տարեթիվը, ծննդավայրը, անձնական համարը եւ հաս-

ցեն: Իմ որոշմամբ, որին համակարծիք է նաեւ կառավարությունը, չիպը ոչ մի այլ լրացուցիչ տեղեկատվություն չպետք է ունենա», - ասել է նախարարը:

«Մոտ ժամանակներս ես կդիմեմ Սրբազան սինոդին եւ կխնդրեմ այդ տվյալները

գնահատել կրոնական տեսակետից: Ցանկանում եմ իմանալ նրանց որակյալ կարծիքը, թե այդ տվյալները որքանով են հակասում կրոնական դոգմաներին եւ ուղղափառությանը: Նաեւ նույն հարցով ցանկանում եմ դիմել կրոնական փոքրամասնությանը: Երբ ստացվեն պատասխանները, մինչեւ ամառ ենք կկարողանանք ընդունել վերջնական որոշում ID քարտերի վերաբերյալ», - հայտարարել է Թեա Ծուլուկիանին:



ԱՄՆ

## ԱՐԱԲԵԿՉԱԿԱՆ ԳՈՐԾՈՂՈՒԹՅՈՒՆ ԲՈՍՏՈՆՈՒՄ

Բոստոնում, մարաթոնյան վազքի եզրագծում, ապրիլի 15-ին իրականացված երկու պայթյուններն առաջին ահաբեկչական գործողությունն են դարձել ԱՄՆ-ի տարածքում 2001 թվականի սեպտեմբերի 11-ին Համաշխարհային առևտրական կենտրոնի երկվորյակ աշտարակների, Պենտագոնի եւ Սպիտակ տան վրա «Ալ Բաիդա» ահաբեկչական ցանցի կողմից կատարված գրոհից հետո, որը գրեթե երեք հազար մարդու կյանք խլեց:

Երկուշաբթի օրը ինքնաշեն պայթուցիկ սարքերը պայթեցին մարաթոնի եզրագծում, որն անցնում էր Բոստոնի Բարի կամրի փողոցով: Դրա հետևանքով, զոհվել է երեք մարդ, ներառյալ՝ ութ տարեկան երեխա, վիրավորների թիվն անցնում է 140-ից:

## ՁՈՋԵՐ՝ ԳՈՐԾԱՐԱՆԻ ՊԱՅԹՅՈՒՆԻ ԱՐԴՅՈՒՆՔՈՒՄ

ԱՄՆ-ի Վեստ քաղաքի (Տեխասի նահանգ) հանքային պարարտանյութերի գործարանում տեղի ունեցած պայթյունի հետևանքով, զոհվել է հինգից մինչեւ 15 մարդ, վիրավորվել է շուրջ 160 հոգի: Պայթյունի հետևանքով քանդվել եւ խիստ վնասվել է 50-ից մինչեւ 75 շենք, այդ թվում՝ բնակելի տներ: Պայթյունն այնքան ուժեղ է եղել, որ ԱՄՆ-ի Երկրաբանական ծառայությունը 2,1 մագնիտուդով ցնցում է գրանցել:

2,7 հազար բնակչությամբ Վեստը գտնվում է Տեխասի մայրաքաղաք Օստինից 145 կիլոմետր հյուսիս ընկած շրջանում:

## ՎԵՆԵՍՈՒԷԼԱ ՆԻԿՈԼԱՍ ՄԱՂՈՒՐՈՆ ԵՐԿՐԻ ՆԱԽԱԳԱՀ

Վենեսուելայի կառավարող Միացյալ սոցիալիստական կուսակցությունից թեկնածու Նիկոլաս Մաղուրոն պաշտոնապես հայտարարվել է երկրի ընտրված նախագահ:

Մաղուրոն հաղթանակ է տարել իր գլխավոր մրցակցից՝ Դեմոկրատական միասնության դաշինքի առաջնորդ Էնրիկե Կապրիլեսի նկատմամբ ոչ մեծ առավելությամբ:

Պաշտոնական տվյալների համաձայն, ապրիլի 14-ի ընտրություններում Մաղուրոյին աջակցել է ընտրողների 50,75 տոկոսը, իսկ նրա գլխավոր ընդդիմախոսին՝ 48,97 տոկոսը, կամ մոտավորապես 265 հազար ընտրողներով պակաս: Կապրիլեսը չի ծանաչել թվարկության արդյունքները: Նրան աջակցել են ԱՄՆ-ը եւ Արաբական պետությունների լիգան:

Կապրիլեսի հազարավոր կողմնակիցներ դուրս են եկել Վենեսուելայի մայրաքաղաք Կարակասի փողոցներ: Ցուցարարները երկրի իշխանություններին մեղադրել են ընտրությունների արդյունքները կեղծելու մեջ եւ պահանջել ծայրերի վերահաշվում:

## ՍԻՐԻԱ ՀԱՅՏԱՐԱՐՎԵԼ Է ՀԱՄԸՆԴՐԱՆՈՒՐ ՀԱՄԱՆԵՐՈՒՄ

Միրիայի նախագահ Բաշար ալ Ասադը հրաման է արձակել համընդհանուր համաճեղմանը հայտարարելու վերաբերյալ: Համաճեղմունը վերաբերում է մինչեւ 2013թ. ապրիլի 16-ն իրականացված հանցագործություններին: Համաճեղմունը վերաբերում է տարբեր տեսակի հանցագործություններին, որոնց համաձայն, մահապատժի ենթարկվելու դատալվճին կփոխարինի ցմահ ազատազրկումը: Ուղղիչ աշխատանքի դատալվճի կփոխարինվի 20 տարվա ազատազրկմամբ, իսկ ցմահ ազատազրկումը՝ 20 տարվա ձերբակալությամբ: Համաճեղման համաձայն, ազատ են արձակվում հիվանդ եւ 70 տարեկան բոլորած անձիք: Ազատ կարձակվեն նաեւ այն անձիք, ովքեր հրամանի արձակումից հետո, 30 օրվա ընթացքում, կհանձնվեն իշխանություններին:

## Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

### ՆՇՎԵՑ ՎՐԱՑ ԼԵԶՎԻ ՏՈՆԸ

## «ՄԵՆՔ ԶԱՆՔԵՐ ԶԵՆՔ ԽՆԱՅԻ ՎՐԱՑ ԼԵԶՎԻ ԿԱՐԳԱՎԻՃԱԿՆ ԱՄՐԱՊՆԴԵԼՈՒ ՀԱՄԱՐ»

(Սկիզբը՝ 1-ին էջում)

թյունների որոշման դեմ, այն է՝ միութենական հանրապետությունների տեղական լեզուները գրկել պետական լեզուների կարգավիճակից:

«Նրանք գործով ու խոսքով հաստատեցին անկեղծ միավաճությունը վրաց լեզվին, համուն պետական լեզվի պաշտպանության համոզեց եկան խորհրդա-

յին պատժական մեքենայի դեմ՝ երկյուղ չկրելով իրական սպառնալիքներից»,- ասվում է վարչապետի հայտարարության մեջ: Կառավարության ղեկավարն ընդգծել է, որ հենց ապրիլի 14-ը խթան հաղորդեց ազգային շարժման ուժեղացմանը Վրաստանում:

«Ես հպարտությամբ կարող եմ ասել, որ այն ժամանակ Ռուսթավելու պողոտայում երիտա-

սարդների թվում գտնվում էի նաեւ ես: Ես երբեք չեմ մոռանա այն վեճը զգացումը, որ, չնայած մեծ վտանգին, միավորել էր բոլորիս: Այսօր մեր պարտքն է պաշտպանել վրաց լեզուն եւ վերականգնել նրա առանձնակի տեղը»,- նշվում է հայտարարության մեջ:

Բիծինա Իվանիշվիլին հաղորդում է, որ պլանավորվում է մշակել պետական լեզվի պաշտ-

պանության եւ զարգացման տարբերակներ: «Մենք չենք խնայի վրաց լեզվի կարգավիճակն ամրապնդելու համար»,- հայտարարել է նա:



### ԿՐԹՈՒԹՅԱՆ ՈԼՈՐՏ



Կողմերի միջեւ կնքված հուշագիրը նախատեսում է հարաբերությունների ամրապնդում եւ զարգացում Fulbright ակադեմիա-

## ՄՏՈՐԱԳՐՎԵՅ ՀԱՄԱԳՈՐԾԱԿՈՒԹՅԱՆ ՀՈՒՇԱԳԻՐ

Վրաստանի կրթության նախարար Գիորգի Մարգվելաշվիլին եւ ԱՄՆ պետքարտուղարի տեղակալ Թարա Սոմենշայնը ստորագրել են համագործակցության հուշագիր: Մինչ այդ, Թարա Սոմենշայնը եւ Վրաստանում ԱՄՆ դեսպան Ռիչարդ Նորլանդը, Գիորգի Մարգվելաշվիլու հետ, քննարկվեցին ապագայի պլանները:

կան փոխանակման ծրագրի շրջանակներում, որ նախատեսված է ուսանողների եւ հետազոտող գիտնականների համար: Հուշագիրը կնպաստի ուսանողների եւ գիտնականների փոխանակմանը կրթության բոլոր աստիճաններում, ուսումնա-գիտական ուսումնասիրություններին բոլոր բնագավառներում, կամրապնդի երկու երկրների պե-

տական եւ մասնավոր ուսումնական հաստատությունների, գիտահետազոտական ինստիտուտների եւ համալսարանների կապերը:

Փոխըմբռնման հուշագրի իրականացման ընթացքում, ամերիկյան կողմը կկանոնակարգի «Ֆուլբրայթ» ծրագրի ֆինանսավորումը Վրաստանում:

### ԿՈՍՏՈՒՆԱԼ ԾԱԽՍԵՐ

## ԹԲԻԼԻՍԱԲՆԱԿՆԵՐԸ ԿՍՏԱՆԱՆ ՖԻՆԱՆՍԱԿԱՆ ՕԳՆՈՒԹՅՈՒՆ

Թբիլիսիի բնակիչները ապրիլին եւ մայիսին կստանան վաուչերով նախատեսված ֆինանսական օգնությունը կոմունալ ծախսերը ծածկելու համար: Այս մասին հայտարարել է Թբիլիսիի քաղաքապետարանի մամլո ծառայությունը:

Քաղաքապետարանի նախաձեռնության շրջանակներում, տարեսկզբից յուրաքանչյուր ընտանիքի բաժանորդական հաշվեհամարին ամսական փոխանցվում է 20 լարի՝ վաուչերով նախատեսված 100 լարիից:

Կոմունալ ծախսերի համար քաղաքապետարանի վաուչերները գործում են հինգ ամսվա ընթացքում, ներառյալ մայիսը եւ, եթե որեւէ մեկի անդորրագ-

րում այդ գումարը արտահայտված չէ, դա պարզապես թյուրիմացություն է, եւ բաժանորդներին հարկավոր է անհատապես պարզաբանել իրավիճակը»,- հաղորդել է քաղաքապետարանի ներկայացուցիչը:

Ամեն ամիս թբիլիսիցիների բաժանորդական հաշվեհամարին 20 լարիից փոխանցվում է 8,45 լարի՝ սպառված էլեկտրաէներգիայի վճարման համար:

Վաուչերի մնացած գումարի հաշվին ծածկվում են հետեւյալ վճարումները. ջրի համար՝ 3,15 լարի, աղբի փոխադրման համար՝ 8,40 լարի:

Նշենք, որ սոցիալապես անապահով ընտանիքներին քաղաքապետարանը հատկացրել է 250 լարի արժողությանը վաուչեր:



Թբիլիսիում 100 լարիահոց վաուչեր ստանում է մոտ 350 հազար ընտանիք, իսկ 250 լարիահոց՝ 45 հազար ընտանիք:

### ՔՐԵԱԿԱՆ



## ՀԱՆՅԱԳՈՐԾՈՒԹՅՈՒՆՆԵՐԻ ԲԱՅԱԶԱՅՏՄԱՆ ՑՈՒՑԱՆԻՇԸ

ՆԳ նախարարության լրատվական-վերլուծաբանական դեպարտամենտից հաղորդել են, որ 2013 թվականի հունվար-մարտին հանցագործությունների բացահայտման ցուցանիշը, ամցյալ տարվա համապատասխան ժամանակամիջոցի համեմատությամբ, ավելացել է, եւ 28,8-ից դարձել 32,75 տոկոս:

Դեպարտամենտը լրագրողներին եւ երկրում հավատարմագրված դիվանագիտական առաքելությունների ներկայացուցիչներին ներկա-

յացրել է եռամսյակի հաշվետվությունը եւ նոր մեթոդոլոգիան:

Ըստ դեպարտամենտի տեղեկատվության, քրեական տարրերի ակտիվացման

միտում նկատվել է վերջին երկու տարվա ընթացքում: 2012 թվականի հունվարին, 2011 թվականի հունվարի համեմատությամբ, հանցագործությունների ընդհանուր թիվը ավելացել էր 10,6 տոկոսով, փետրվարի համեմատությամբ՝ 19,5 տոկոսով: 2013 թվականի առաջին եռամսյակում, անցյալ տարվա համապատասխան ժամանակամիջոցի համեմատությամբ, գրանցվել է միայն 10,3 տոկոսանոց աճ:

## ՀԱՄԱՆԵՐՄԱՍԲ ԱԶԱՏ Է ԱՐՁԱԿՎԵԼ 8539 ՄԱՐԴ

Պատիժների կատարման, պայմանական դատապարտման եւ իրավաբանական օգնության նախարարության տեղեկատվության համաձայն, 2013 թվականի ապրիլի 14-ի դրությամբ, ազատագրված վայրերում գտնվում էր 10341 դատապարտյալ/ընդատյալ:

Դա 56,4 տոկոսով պակաս է 2012 թվականի համապատասխան ժամանակաշրջանի ցուցա-

նիշից: «Համաձայն մասին» օրենքի համապատասխան, ապրիլի 12-ին, 13-ին եւ 14-ին բան-

տարկությունից ազատվել էր 13 անձ: Ընդհանուր առմամբ, համաձայն արդյունքում ազատվել է

8539 մարդ, նրանցից 175-ը քաղաքապետարաններ են, 388-ը՝ կանայք եւ 21-ը՝ անչափահասներ:

## ՓՈԽՎՈՒՄ Է ՊԱՏԻՃՆԵՐԻ ՀԱՆՐԱԳՈՒՄԱՐՄԱՆ ՍԿՋԲՈՒՆՔԸ

Վրաստանի խորհրդարանը երրորդ՝ վերջին ունկնդրմամբ, ընդունել է օրենսդրական փոփոխություններ, որոնք վերաբերում են պատիժների անվերապահ համագումարման սկզբունքի փոփոխմանը:

Փոփոխությունների համաձայն, հանցագործությունների ամբողջացման դեպքում, դատավորը, պատիժների անվերապահ համագումարման փոխարեն, կդեկլարվի այն սկզբունքով, երբ պատիժ նշանակելիս հաշվի է առնվում առավել խիստ պատիժը:

Օրինագիծը կկիրարկվի, երբ այն ստորագրի նախագահ Սաակաշվիլին, եւ այդ դեպքում օրինագիծը կունենա հետադարձ


գործողության ուժ այն դատապարտյալների նկատմամբ, ովքեր կալանքի մեջ են պատիժների համագումարման հիման վրա:

«Պատիժների համագումարման սկզբունքով արված դատավճիռները ենթակա կլինեն վերանայման»,- հայտարարել է կառավարության խորհրդարանական քարտուղար Շալվա Թադունաձեն:

Ներկայումս Վրաստանում բանտարկյալների թիվը կրճատվել է ավելի քան կե-

տով՝ հունվարին համաձայնեցման ակտ ընդունելու արդյունքում, եւ կարող է ավելի կրճատվել այն բանից հետո, երբ կսկսվի համագումարման սկզբունքով նշանակված պատիժների վերանայման գործընթացը:

Միաժամանակ, պատիժների համագումարման կանոնը վերստին կարող է օգտագործվել կրկնահանցագործության դեպքում, այսինքն՝ այն դեպքում, երբ տեղի է ունեցել կանխամտածված հանցագործություն այն անձի կողմից, որը մինչ այդ ազատվել էր կանխամտածված հանցագործության համար:



### ԱՐԺԱՆԱՑԱԿ ԱԶԱՅԻՆ ՅԵՐՈՍԻ ՇՔԱՆՇԱՆԻ

Վրաստանի նախագահը Ազգային հերոսի շքանշան է շնորհել 2008 թվականի վրաց-ռուսական պատերազմի ժամանակ զոհված Գիորգի Անցուխելիձեին (հետմահու):

Չոհված մարտիկի ընտանիքին շքանշանի համեմատն արարողությանը մասնակցեց Վրաստանի զինված ուժերի միացյալ շտաբի պետ Իրակլի Չոնկաձեն:

«Այսօր մենք հարգանքի տուրք ենք մատուցում Վրաստանի ազատության համար 2008 թվականի ռուսական ագրեսիայի ժամանակ զոհված մեր հերոսի ինչպես անունը»,- հայտարարեց Սիխեիլ Սաակաշվիլին:

### ՄՇԱԿՎՈՒՄ Է ՀԱՎԱՄԵՆԱՇՆՈՐՀԱՅԻՆ ՕՐԵՆՔ

Բարձրագույն օրենսդիր մարմնի բյուջետային կոմիտեի տեղեկատվության համաձայն, խորհրդարանը մինչեւ ամառ կընդունի հակամենաշնորհային օրենք: Մինչ այդ օրենքի ընդունումը, նախագիծը, որի ուղղությամբ այժմ ընթանում են աշխատանքներ, հանգամանորեն կքննարկվի համապատասխան կոմիտեներում:

Խորհրդարանից նշել են, որ հակամենաշնորհային օրենսդրությունը ժամանակին վերացրին Բենդուքիձեն եւ նրա մտախոհները, որպեսզի կարողանան ավելի հեշտ վերահսկել շուկան:

### ԱՊՕՐԻՆԻ ԱՆՏԱՌԱՋԱՏՈՒՄ

Բնական ռեսուրսների գործակալության տվյալներով, ապրիլի անտառահատման ցուցանիշով միայն Կախեթին է հետ մնում Սամցխե-Ջավախեթիից: Կախեթիում անտառահատումը կազմել է 1646 խորանարդ մետր: Իսկ Սամցխե-Ջավախեթիում 2010-2011թթ. անտառահատվել էր 3518-4006 խորանարդ մետր անտառ, ինչը զգալիորեն ցածր է 2005-2009 թվականների ցուցանիշից՝ 10-16 հազար խորանարդ մետր:

Կախեթիում անտառային ֆոնդը զբաղեցնում է 385 հազար հեկտար, որից 339 հազարը պատված են անտառով: Դա ամբողջ տարածաշրջանի 30 տոկոսն է:

Գործակալության տվյալների համաձայն, 2011 թվականին Կախեթիում ոչ մի տնկարկում չի իրականացվել:

### ՄՈՒՆԻՑԻՊԱԼ ՏՐԱՆՍՊՈՐՏ. ՆՈՐ ՄՊԱՍԱՐԿՈՒՄ

Թբիլիսիում մունիցիպալ տրանսպորտի ուղեւորները SMS-ների օգնությամբ կկարողանան տեղեկանալ, թե երբ կլինի իրենց համար անհրաժեշտ ավտոբուսը:

«Թբիլիսիի տրանսպորտային ընկերությունը» յուրաքանչյուր կանգառին շնորհել է հատուկ համար: Այն պետք է ուղարկել 93344 համարով եւ ուղեւորն անմիջապես տեղյակ կդառնա ավտոբուսի գալու ժամանակի մասին:

### ԿԳՈՐԾԱՐԿՎԵՆ ՅԵԿ-ԵՐ

2014 թվականի երկրորդ կեսին կան 2015 թվականի սկզբին Վրաստանում շարք կմտնեն երեք խոշոր ՅԵԿ-եր: Այս մասին հաղորդել է էներգետիկայի եւ բնական ռեսուրսների փոխնախարար Մարիկա Վալիշվիլին:

Վերոնշյալ ժամանակամիջոցում կգործարկվեն Փարվանա-ՅԵԿ-ը՝ 89 մեգավատ կարողությամբ, Դարյալ-ՅԵԿ-ը՝ 109 մեգավատ եւ Լարսի-ՅԵԿ-ը՝ 20 մեգավատ կարողությամբ:

Բացի դրանից, ինչպես ասել է Վալիշվիլին, 2013-2015 թվականներին շարք կմտնեն նաեւ 5-7 մեգավատ կարողությամբ մի քանի ՅԵԿ-եր: Վալիշվիլու խոսքերով, չնայած մի քանի ՅԵԿ-երի նախագծերի շուրջ ծավալված վեճերին, Վրաստանի էներգետիկայի նախարարությունը չի փակել ոչ մի նախագիծ: Այն էլ նշենք, որ նախագծերի վերաբերյալ առանձին փաստաթղթեր գտնվում են քննարկման փուլում:

ԱՇԽԱՏԱՆՔԱՅԻՆ ՕՐԵՆՍՊԻՐՔ

ՎԱՐՁԱՏՐՈՒԹՅՈՒՆ` ԱՐՏԱԺԱՄՅԱ ԱՇԽԱՏԱՆՔԻ ԴԻՄԱՅ



Վրաստանի խորհրդարանը ձեռնամուխ է եղել աշխատանքային օրենսգրքում կատարվելիք ուղղումների քննարկմանը, որոնց համաձայն, շաբաթական 40 ժամից ավելի եւ համգստյան օրերի աշխատանքը պետք է վճարվի՝ որպես արտաժամյա:

Օրինագծի համաձայն, Վրաստանում աշխատանքային օրը 18 տարեկանից բարձր անձանց համար չպետք է լինի 40 ժամից ավելի՝ հնգօրյա աշխատանքի ընթացքում, 16-ից բարձր՝ 36 ժամ, 14 տարեկանից բարձր՝ 24 ժամ: Ար-

ձակուրդ՝ առնվազն 15 օրացուցային օր: Օրենսգրքի համաձայն, աշխատանքային պայմանագրում անպայման պետք է նշվեն աշխատանքն սկսելու օրը եւ տեւողությունը, աշխատաժամանակը եւ հանգստի ժամանակը, աշխատավայրը, պաշտոնը եւ կատարվող աշխատանքի տեսակը, աշխատավարձի ծավալը եւ վճարման կանոնները, արտաժամյա աշխատանքի վարձատրության կանոնները, վճարովի եւ ոչ վճարովի արձակուրդի տեւողությունը:

Աշխատանքային համաձայնագրի պայմանագրերի փոփոխման դեպքում, գործատուն պարտավոր է այդ մասին իրազեկել աշխատողին: Փոփոխությունները համաձայնագրում չեն կատարվում աշխատավայրի փոփոխման դեպքում, եթե աշխատողը աշխատավայր գնալու եւ վերադառնալու ճանապարհին ծախսում է 3 ժամից ոչ ավելի, եւ դա կապված չէ ոչ հավասարազոր ծախսերի հետ: Բավական է նաեւ աշխատողին բանավոր զգուշացնել աշխատանքի սկզբի եւ ավարտման ժամանակի փոփոխման մասին, եթե խոսքը վերաբերում է ոչ ավելի, քան մեկուկես ժամին:

Եթե վերոնշյալ փոփոխություններն իրականացվում են միաժամանակ, գործատուն պարտավոր է կնքել նոր աշխատանքային պայմանագիր: Աշխատանքային պայմանագիրը խզելու դեպքում, գործատուն յոթ օր առաջ պետք է այդ մասին գրավոր ձեւով հայտնի աշխատողին եւ նշի պայմանագրի ընդհատման պատճառները: Եթե այդ պայմանները չեն կատարվում, աշխատողը կարող է դատարան ներկայացնի հայց՝ իր գործատուի դեմ:

ՅՈՒՐԻ խորենՅԱՆ

տաժամյա աշխատանքը ենթադրում է ժամավճար: Կողմերի համաձայնության դեպքում, արտաժամյա աշխատանքը կարող է հատուցվել լրացուցիչ հանգստյան օրով:

Արտաժամյա համարվում է այն աշխատանքը, որ մարդը կատարում է ըստ գործատուի հետ համաձայնության, եւ որի տեւողությունը շաբաթվա ընթացքում (հինգ աշխատանքային օր) գերազանցում է 40 ժամը: Արտաժամյա է համարվում նաեւ պաշտոնական տոնակատարությունների օրերին կատարվող աշխատանքը:

Ինչ վերաբերում է հանգստին, ապա վճարվող արձակուրդը պետք է լինի առնվազն 24 աշխատանքային օր: Ընդ որում, արձակուրդը կարող է ավելանալ պաշտոնական հանգստյան օրերին կատարած աշխատանքի հաշվին:

Տարվա մեջ մեկ անգամ գործատուն պարտավոր է, աշխատողի պահանջի դեպքում, տալ արձակուրդ առնվազն 15 աշխատանքային օր՝ աշխատողի հաշվին:

Դժվար, վնասակար կամ վտանգի հետ կապված աշխատանքի դեպքում, գործատուն պարտավոր է տրամադրել լրացուցիչ վճարվող ար-

ՈՒՂՈՒՄՆԵՐԸ ՆԵՐՎԱՅԱՅՎԵԼ ԵՆ ԽՈՐՀՐԴԱՐԱՆ

Աշխատանքային օրենսգրքում կատարվելիք ուղղումները քննարկվեցին խորհրդարանի լիազումար նիստում:

Վրաստանի արդարադատության նախարարության օրենսդրական նախաձեռնության առնչությամբ դեռեւս մեծամասնությունը եւ փոքրամասնությունը նաեւ մեծամասնությունը եւ կառավարությունը համաձայնության չեն հասել:

Օրինագծով եկանոթերն ավելանում են աշխատողի իրավունքները եւ պաշտպանվում նրա աշ-

խատանքային շահերը: Նախագծում նորովի են կարգավորվում այնպիսի հարցեր, ինչպիսիք են աշխատանքային պայմանագրի ձեւը, ժամկետները, աշխատանքային օրվա տեւողությունը, պայմանագիրն ընդհատելու պատճառները եւ այլն:

Պետք է նշել, որ խորհրդարանում նախաձեռնվել եւ առաջին ընթերցմամբ ընդունվել են

աշխատանքային օրենսգրքի այն ուղղումները, որ մշակել էր բարձրագույն օրենսդիր մարմնի առողջապահության եւ սոցիալական հարցերի կոմիտեն: Կոմիտեի նախագահ Դմիտրի Խունդաձեն հայտարարել է, թե այն ժամանակ իրենք շտապեցին, քանի որ սկսվեցին բժիշկների զանգվածային հեռացումներ, եւ այդ գործընթացը հարկավոր էր դադարեցնել:

ՍՈՑԻԱԼԱԿԱՆ

ԿՎԵՐԱՆԱՅՎԵՆ ԶՔԱՎՈՐՈՒԹՅԱՆ ԳՆԱՅԱՏԱՄԱՆ ԶԱՓՈՐՈՇԻԶՆԵՐԸ

Ինչպես արդեն հաղորդել ենք, սովամահ եղած մեկ տարեկան երեխայի մահվան կապակցությամբ հարուցվել է քրեական գործ: Ելնելով վերոնշյալ փաստից՝ Վրաստանի խորհրդարանի առողջապահության եւ սոցիալական պաշտպանության կոմիտեի նախագահ Դմիտրի Խունդաձեն հայտարարեց, որ կառավարությունը հնարավոր ամեն ինչ կանի մահի փաստերի կանխման համար: Պատգամավորի խոսքերով, ծրագրվում է վերանայել ընտանիքների սոցիալական վիճակի գնահատման չափորոշիչները: «Դրանք պետք է փոխվեն եւ ավելացվեն այն հաշվով, որպեսզի սոցիալական օգնություն ստանան հնարավորին չափ մեծ թվով մարդիկ»,- հայտարարեց Խունդաձեն:

Իր կողմից, Վրաստանի սոցիալական սպասարկման գործակալության ներկայացուցիչ Գիա Կակաչիան հայտարարեց, որ սոցիալական վիճակի գնահատման չափորոշիչները առաջիկա երկու շաբաթների ընթացքում կփոխվեն: «Այդ չափորոշիչները վերջին մի քանի տարիների ընթացքում կատարելագործվում էին, թեպետ վերջնականորեն դրանք չկարգավորվեցին: Մոտ ժամանակներում կիրականացվեն փոփոխություններ: Մասնավորապես, հռչակագրից կհանվեն արբանյակային ալեհավաքները եւ հողի մշակումը: Մենք նաեւ աշխատում ենք առավելագույնս կրճատել սոցիալական օգնության նշանակման ժամկետները: Թեպետ կան մեծածավալ հիմնախնդիրներ, որոնք ուսումնասիրման կարիք ունեն»,- հայտարարեց Կակաչիան:

Նրա խոսքերով, այսօրվա

դրությամբ, օգնություն է ստանում 440 հազար մարդ, մոտավորապես՝ 150 հազար ընտանիք: Ամենաբարձր ցուցանիշը գրանցվել է հունվարին, ինչն էլ կասկածներ է հարուցել, թե ինչու վերջին երեք տարվա ընթացքում տվյալների բազան ավելացել է 30 տոկոսով: «Դա հանգեցրեց նրան, որ 18 հազար ընտանիքի սոցիալական օգնությունը դադարեցվեց: Ստուգումը շարունակվում է: Խոսքը վերաբերում է ավելի քան կես միլիոն մարդու, իսկ դրա համար ժամանակ է անհրաժեշտ»,- հայտարարեց Գիա Կակաչիան:

Վրաստանի առողջապահության նախարարության տեղեկատվությամբ, այն 17781 ընտանիքի սոցիալական օգնությունը, որը հանվել կամ դադարեցվել էր փետրվարին, դրանից 2721 ընտանիքի նպաստավորումը վերականգնվել է, վերսկսվել՝ 905 ընտանիքի նպաստե-

րի հանձնումը: Նախարարության տեղեկատվությամբ, նպաստների հանձնման վերսկսման պահանջով, սոցիալական սպասարկման գործակալությանը դիմել է 8373 ընտանիք: Գերատեսչության տեղեկատվությամբ, 30 ընտանիքի գործը փոխանցվել է հետաքննչական մարմիններին, քանի որ նրանց մոտ գրանցվել են բարձր եկամուտներ, թեպետ վստահեցնում էին, որ եկամուտ չունեն: «Գործակալությունը շարունակում է քաղաքացիների դիմումների ուսումնասիրությունը: Մենք բոլոր քաղաքացիներին, ովքեր գտնում են, որ իրենց սոցիալական օգնության հանձնումն անհիմն է դադարեցված, խորհուրդ ենք տալիս դիմել գործակալությանը եւ ներկայացնել փաստաթղթեր իրենց եկամուտների մասին»,- ասված է առողջապահության նախարարության հայտարարության մեջ:

ԷԿՈՆՈՄԻԿԱ

ՍԵՓԱԿԱՆԱՇՆՈՐԶՄԱՆ ԱՐԴՅՈՒՆՔՆԵՐԸ ԶԵՆ ՎԵՐԱՆԱՅՎԻ

Վրաստանի նոր իշխանությունները չեն պլանավորում վերանայել սեփականաշնորհման արդյունքները երկրում եւ պետական սեփականության օտարացման վերաբերյալ արդեն ձեւակերպված պայմանագրերը:

Այս մասին հայտարարել է Էկոնոմիկայի նախարար Գիորգի Կվիրիկաշվիլին:

«Եթե այսօր անցկացվեր արդեն վաճառված շատ օբյեկտների սեփականաշնորհում, ես ձեռնպահ կմնայի դրանց օտարացումից: Սակայն, զույքի վաճառքի պայմանագրերի եւ սեփականաշնորհման արդյունքների վերանայում չպետք է տեղի ունենա, քանի որ դա կվնասի երկրում ներդրման միջավայրին»,- ասել է Կվիրիկաշվիլին:

Նա հաղորդել է նաեւ, որ այսուհետեւ այս կամ այն օբյեկտի շինարարության թույլտվություն տալու ընթացակարգին առավելագույնս կմասնակցի Վրաստանի մշակույթի նախարարությունը, որի հետ, համաձայնեցված է կառուցապատումը քաղաքների եւ տարածաշրջանների պատմական մասում:

«Մշակույթի նախարարությունը ժամանակավորապես էր հանվել այն կազմակերպությունների ցուցակից, որոնց



հետ համաձայնեցվում էին հարցերը: Սակայն, մենք մտադիր ենք բոլոր նախագծերը համաձայնեցնել նրա հետ»,- նշել է Կվիրիկաշվիլին:

Չիշեցնենք, որ 2008թ. ամռանը Վրաստանի ներքին գործերի նախարարության աշխատակիցները, 300 հազար դոլար կաշառք ստանալու պահին, կալանավորեցին երկրի տնտեսական զարգացման փոխնախարար Բեքա Օքրոսովերիձեին եւ նույն նախարարության սեփականաշնորհման դեպարտամենտի պետի տեղակալ Լաշա Մոխսժորափիշվիլուն, ինչպես նաեւ այն բիզնեսմենին, որը նախարարության չինովնիկների աջակցությամբ պատրաստվում էր նվազեցված գնով թբիլիսիի արվարձանում ձեռք բերել հողատարածքներ եւ այնտեղ տեղադրված կառույցները, որ պատկանում էին պետությանը:

ՏՈԿՈՍԱԴՐՈՒՅՔՆԵՐԻ ԿՐՃԱՏՈՒՄՆԵՐ ԶԵՆ ՆԱԽԱՏԵՍՎՈՒՄ

Չարկային տոկոսադրույքների կրճատում չի պլանավորվում, սակայն տարվում է աշխատանք վարչարարության պարզեցման ուղղությամբ: Այս մասին հայտարարել է ֆինանսների նախարար Նոդար Խաղուրին: Նա ընդգծել է, որ աշխատանքը վերաբերում է հարկերի վարչարարության պարզեցմանը, կատարելագործմանն այն նպատակով, որպեսզի հարկատուներին հասկանալի լինի ամեն ինչ: Նա հավելել է, որ հարկային օրենսգրքում առկա են կարելու շատ հոդվածներ, որոնք միանշանակ չեն: Ուստի, հարկավոր է դրանք ձեւակերպել այնպես, որպեսզի բոլորը դրանք ընկալեն միատեսակ:

ՀԱՄԱԳՈՐԾԱԿՑՈՒԹՅՈՒՆ

ՆՈՐ ՀԱՄԱԶԱՅՆԱԳԻՐ՝ ՎՐԱՑԱԿԱՆ GHN-Ի ԵՎ «ԱՐՄԵՆՊՐԵՍԻ» ՄԻՋԵՎ

Վրացական GHN եւ «Արմենպրես» լրատվական գործակալությունների միջեւ ապրիլի 17-ին փոխըմբռնման հուշագիր ստորագրվեց՝ սահմանելով 2013-2014 թվականների համագործակցության նոր ուղեմիջեր: Կողմերը պայմանավորվեցին համագործակցել մեդիա ֆորումների, Հայաստանում եւ Վրաստանում լուսանկարների ցուցահանդեսների կազմակերպման, համատեղ սոցիալական նախագծերի անցկացման հարցերում:



ԳHN լրատվական գործակալության տնօրեն Գոչա Միրջխուլավան վստահություն հայտնեց, որ հուշագրի ստորագրումը կնպաստի երկու ժողովուրդների միջեւ պատմական, մշակութային եւ հոգեւոր կապերի ընդլայնմանը: «Այս հուշագիրը հնարավորություն կտա ավելի զարգացնել հայ-վրացական լրատվական գործակցությունը»,- ասաց Միրջխուլավան:

«Արմենպրես»-ի տնօրեն Արամ Անանյանը հուշագիրը դիտարկում է որպես երկկողմ արդյունավետ համագործակցության նոր սկիզբ: «Վստահ եմ, որ հուշագիրն իր արդյունքները կտա մոտ ապագայում՝ նպաստելով հայ-վրացական բարեկամական կապերի եւ համագործակցության ընդլայնմանը»,- ասաց Անանյանը:

Լրատվական գործակալությունները քայլեր կձեռնարկեն լրագրողների, խմբագիրների եւ լուսանկարիչների միջեւ փորձի փոխանակման, երկկողմ մշակութային, առեւտրատնտեսական համագործակցությանը եւ զբոսաշրջության զարգացմանը նպաստելու ուղղությամբ: Հատուկ լուսաբանման կարժանանան

հայ-վրացական համատեղ ձեռնարկությունները: «Արմենպրես»-ը եւ GHN-ը նաեւ տեղեկատվության եւ մասնագիտական գրականության փոխանակում կիրականացնեն: Նախատեսվում է տա-

րատեսակ սեմինարների, թրեյնինգների կազմակերպում:

ԳHN լրատվական գործակալության առաջին թողարկումը կատարվել է 2005-ի հունիսի 1-ին: Կարճ ժամանակահատվածում գործակալությանը հաջողվել է Վրաստանի տեղեկատվական դաշտում առաջատար դիրքեր զբաղեցնել: 2010թ. մարտին GHN-ը դարձել է Ազգային լրատվական գործակալությունների մերձսեւծովյան ասոցիացիայի (BSANNA) դեկավար:

«Արմենպրես» լրատվական գործակալությունը հիմնադրվել է 1918 թվականին: Գործակալությունն ամենաինքնուրույնն է Հայաստանում: «Արմենպրես»-ի բաժանորդների թվում են զանգվածային լրատվության միջոցներ, դեսպանատներ, միջազգային կազմակերպություններ, բանկեր, ֆինանսական կառույցներ, վերլուծական կենտրոններ, ինստիտուտներ եւ այլն: